


THE UNIVERSITY OF CHICAGO

1961



吳平 回達強 主編

楚辭文獻集成



貳捌

廣陵書社

中國·揚州

癸亥孟夏

三問彙考

邵松年題

三問彙考

三問彙考

三閭集

楚辭集

卷之五

歲丙午長夏鍾穎杜門銜恤蒼茫
身世悲來填膺柳溪表兄携示
先德心梅先生所輯三閭彙考一冊
博稽志乘考核詳備重高陽之苗
裔食舊德之名氏玉光蘭馨髣髴

可接因憶曩年分巡荆楚以秋讞
駐彝陵溯江而上歸州州牧來謁
得備詢楚左徒遺蹟所述若樂平
里故宅若墓若祠若亭若垣若浣
皆志乘所載者第念史稱懷王左

徒而靈均自述為三閭大夫案王
逸註楚辭謂三閭掌王族三姓位
為下大夫左徒與王議國是出號
令位為中大夫國朝陳氏場著屈
子生卒年月攷援以為證而吳氏

省欽撰碑記又據秦本紀以左徒
為上卿是知三閭大夫乃始仕之官
左徒乃升擢之階也歸田以來眇
將十載世局萬變側身天地所
震蕩於心嘯唳於口者湘靈前言

如探懷而與秋窗夜藥循覽是
冊望汨瞻羅不禁沾余襟之浪
浪矣仲秋既望俞鍾穎謹識

三閭彙考序

屈子之於楚其著作之祖乎自騷經一傳而賦體遂盛芬芳悱惻推明盪幽山川鬼神窮險極怪自是以後宋玉景差相如子雲百家迭興千古不絕至於感龍門之所載恨極諫之難追君國之禍自古相尋憑弔之悲斯人尤切亦文辭之感人爲性情所共繫也余初來湘中卽與心梅共事過沉淵之舊跡重靈均之苗裔而屈於下吏曾題其湘水尋源圖以識情款十餘年來君官階漸進而余日思退往復議論各見其志因於暇時出三閭彙考一編其搜羅故實以追先德以備遺忘亦旣繁富念吾兩人俱家中吳在戰國時盡爲楚地幅員所及流風遂廣且言辭賦者以屈宋並稱君方誦卜居之篇有淵源之可接余則求大言之作緬流別而逾遠增裴回而無盡益俯仰於靡窮矣咸豐元年三月望後二日長洲宋翔鳳謹記於洞庭湖舟次

三閭集考序

三閭大夫余家始祖也幼讀太史公傳每以不得遊其故里爲憾觀五日競渡系汨羅故事遺風盛傳吳下益心焉往之及長隨先君子官天台別駕運鉛楚北往返長江舟泊華陽鎮有三閭大夫廟禮拜之餘瞻仰遺像冕旒朱服赤帟皆古制無何先君子捐館舍杜門數載矣道光九年見復以巡檢戮發楚南私幸湘源之可尋也迺舟過湘陰以程限迫不得泊比需次省垣聞從兄洵美官宜昌司馬分駐新灘新灘屬歸州卽秭歸地先大夫故居在焉數郵書問訊適洵美以轉濟北行余旋丁內艱歸籍未遂所願此中耿耿者久之因繪湘水尋源圖以志勿忘乙未攝尉興寧冬月始承乏湘潭黃茅司任會丁酉大比奉調闕差竣事乃謁雙忠祠於城西又於嶽麓拜專祠並石刻圖像一一摹之己亥春余又調任青坡值武岡匪徒滋事積勞成疾解任

後在省起病因往汨羅謁墓登獨醒亭濯纓橋諸勝旋復廣搜郡邑志知祠
宇幾徧楚南今冬奉檄攝理湘潭丞下車後適友人惠余歸州志一冊載故
里墓田尤詳悉千百世一人也豈特兩楚之光哉又豈特寒門之光哉爰輯
備考一書並繪遺像下添圖說有六以寄虞鄉子弟亦藉以勵忠君愛國之
心俾後來者知食舊德之名氏爾按唐亞之外傳先大夫面瘦細美髯豐神
朗秀長九尺好奇服冠切雲之冠性潔一日三濯纓又按左徒係周上卿故
服制如之至長鈇寶璐尤離騷經所載故亦得而繪之是爲序時道光二十
有八年歲次戊申孟冬裔孫見復譔於朱亭

三間彙考目錄

卷之一

圖像

卷之二

古蹟

卷之三

祠祀

卷之四

藝文

卷之五

奏稿

三間彙考

目錄

三間彙考

外見